



KOMUNIKADO PA PRENSA

Fecha
21 di yüni 2016

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Minister Camelia-Römer ta refutá komentarionan negativo kontra ámtenarnan.

Willemstad - Minister Camelia-Römer a tuma nota di akusashonnan serio den un medio di komunikashon awe mainta relashoná ku trabounan ku ámtenarnan di Ministerio di Trafiko, Transporte i Planifikashon Urbano, i espesialmente direktor di Domeinbeheer, Sr. Jairo Martis, a bin ta ehersé. Un suidadano a reklamá i krítika e ámtenarnan i e direktor di Domeinbeheer personalmente i fuertemente pa algun proyekto.

Minister Camelia-Römer ta enfatisá ku no ta akseptabel ku ta akusá i reklamá ámtenarnan di e forma aki den medionan di komunikashon. Segun Minister Camelia-Römer e empleado públiko ta den servisio di Gobièrnu i ta ehersé e prioridatnan di e Minister ku ta na mando. No por pone e personanan enkuestion den lus negativo asin'aki. Sigur no e ámtenarnan aki ku a bin ta traha hopi duru a hiba e ministerio i Domeinbeheer dilanti.

Un amtenar no por sali i defende su mes manera un Minister por hasi. Esaki mirando ku e tin ku mantene su mes na reglanan di un bon amtenar i e tin e deber di mantene sekresia. Ta solamente si e Minister enkuestion outorisé, e por duna splikashon den medionan di komunikashon.

Minister huntu ku su ámtenarnan di, tantu e ministerio i partikularmente e direktor di Domeinbeheer, ta trahando hopi duru riba diferente proyekto grandi i importante na benefisio di henter komunidad. Dos proyekto di Domeinbeheer ku ta digno di menshoná ta 1) Trayekto 'Rumbo pa Ekselensia' pa optimalisashon di henter Domeinbeheer, i 2) Trayekto 'Tereno pa Tur, pero na Òrdu si' den kual ta atendé ku okupashon ilegal di tereno.

Asina tin un kantidat masha grandi di proyektonan den tur e servisionan ku ta bou di e responsabilidad di Minister Camelia-Romer, pa bienestar general di nos tur. Minister ta refutá e komentarionan negativo kontra su ámtenarnan i ta hasi un apelasjon na tur suidadano pa respetá nos ámtenarnan ku ta traha inkansablemente tur dia na benefisio di nos pais.